

ADAMA LEH ISUA



CHĀNGVAWN: “Chutichuan, rinna avānga thiam chang tawh kan nih avāngin, kan LALPA Isua Krista zârah Pathian nêh inremin kan awm ta; ama zârah vêk hian tâna kan awmna he khawngaihnaah hian rinnain kan lût bawk a, tichuan lâwm chungin Pathian ropuina chu kan beisei ta a ni” (*Rome 5:2, 3, NRSV*).

SABBATH CHAWHNÛ

NOVEMBER 4

Chhiar tûr: *Rome 5.*

PAULA hian thiamchantîrna, Pathianin min pawmna chu Isua Krista rin avâng chauha lo thleng a nih thu chiang takin a sawi tawh a, a chhan pawh Krista felna chauh hi kan LALPA hmâa ding tlâka min siam theitu awm chhun a nih vâng a ni. Chû thutak chu tanchhana hmangin he thu hi a hrilhfiah ta a. Chhandamna chu thiltihte avâng ni lova (Abrahama te ang “mi fel” lailêng pawh kha ni se), rinna avâng zâwka lo awm a nihzia lantîrin, sualna leh tawrhna leh thihna te hi engin nge thlentîr a, engtiangin nge Krista-ah hian a chinfelna chu hmuh theih a nih tih leh, mihringte tâna thil a lo tih tawh chu a sawi ta a ni.

Mi pakhat, Adama tlûkna avângin mihring zawng zawng hi thiam loh chang, Pathian nêna inmihran tawh leh, thih mai hmabâk kan ni a; mahse mi pakhat dang, Isuan hnehna a chan avângin khawvêl zawng zawng hi Pathian hmâah chuan rahbi tharah hlân a ni leh ta. Isua an rinna azârah an sualte leh hremna an tawrh tûrte chu thâi bo theih a lo ni ta a, anmahni ngei pawh chatuan atâna ngaihdam theih an lo ni ta bawk a ni.

Paula hian Adama leh Isua kha khâikhinin, Adama thil khawih pawh tawhte sût leh tûra Krista a lo kal dân leh, Adama sualna tuar vetu zawng zawngte chu rinnain Chhandamtu Isuan a chhanchhuak thei vek a ni tih a sawi a. Hêng thil zawng zawngte inngahna chu Krista kraws leh mihringte âiawha a thihna kha a ni a, chu chuan mi tin tân, Juda kan ni emaw, Jentail kan ni emaw, Isua chhandam nih theihna kawng a hawng a, ani chuan a thisenin amah pawmtu zawng zawngte hnênah thiamchantîrna a thlen tawh bawk.

Hei hi kan beisei zawng zawngte inngahna a nih avângin hrilhfiah phû thupui pawimawh tak a ni rêng a ni.

SUNDAY

NOVEMBER 5

Rinna avânga thiamchantîrna

Rome 5:1–5 chhiar la. A hnuaia hmun âwl kan dahah hian Paula thil sawi awmzia nia i hriat chu zia chhuak ang che. Heta a thil sawi atang hian i tân eng thuchah nge lâk chhuah theih awm?

“Thiamchantîra awm” tih hi a awmzia takah chuan “thiamchantîra awm mêk” tihna a ni a. He laia Grik thumal a hman hian thiamchantîr tûra [Pathian] thil tih chu famkim chho mêk ni angin a sawi. Mi fela puan emaw, ngaih emaw kan nihna chhan chu dân thiltihte vâng ni lovin, Isua Krista kan pawm tâk avâng a ni zâwk a. He leia Isuan nun tha famkim a hmanna, dân a zawm famkimna kha keimahni tih anga chhiar a lo ni ta a ni.

Chutih rual chuan kan soal zawng zawngte chu Isua chungah nghah a ni a. Chûng sualte chu keimah ni tih ni lovin, Isua tih angah Pathian chuan a lo ngâi ta a, chuvâng chuan kan phû rêng hremna chu kan lo pumpelth theih ta a ni. Mahse chu hremna chu keimahni tân, kan âiawhin Krista chungah a tla tho va, keini hi chuan kan tawrh a ngâi ve tawh lo. Chu âia chanchin ropui zâwk chu keini mi sualte tân hian a awm thei chuang dâwn em ni?

Rome 5:3-a “ropuina” (NKJV) tia an lehlin hi a Grik tawng lamah chuan Rome 5:2-a “lâwm” (NKJV) tia an lehlin nên hian thumun reng a ni a. Rome 5:3-ah hian “ropuina” tih ni lovin, “lâwm” tiin Mizo tawng Bible-ah hian lehlin a ni rêng a, Rome 5:2 leh Rome 5:3 te inzawm dân hi a hmuh chian lehzual theih ngei ang. Thiam chang tawhte chu hrehawm an tuar lâi ngei pawhin an lâwm thei thîn a, a chhan pawh eng dang ni lovin, Isua an rin ngheh tlat tawh vâng a ni. An thâtna tûrin Pathianin engkim a thawk dâwn tih an ring ngam a. Kristâ hming avânga tawrh chu chawimawina angah an ngâi zâwk thîn (*1 Pet. 4:13 en la*).

Rome 5:3–5 thu inlâk lâwn chhoh dân hi lo en ila:

1. *Chhelna*. “Chhelna” tia an lehlin Grik thumal chu *hupomone* tih a ni a, a awmzia chu “hrehawm tawrh theihna” tihna a ni. Hetiang tawrhchhelna hi an rinna vuan tlat a, an nun tihrehawm êm êmtu fiahna leh tawrhna kârah pawh Kristaa beiseina an neihte hloh duh miah lotute chungah hrehawmnain a thlen thîn ang chi kha a ni.
2. *Hriatfiahna*. “Hriatfiahna” tia an lehlin Grik thumal *dokime* hi a ngialngana kan lehlin dâwn chuan “pawm tlâk nungchang pû” tih tûr a ni ang a; a kawh ber chu “ze nget” emaw, “nungchang dik” emaw a ni. Chhel taka hrehawm tuar tâng tângtute chuan nungchang dik leh tha an chher nghe nghe thîn.

3. *Beiseina*. Chhelna leh nungchang dik chuan beiseina a hring chhuak thîn rêng a, chu beiseina chu eng dang ni lovin, Isuaah leh amaha chhandamna thutiamawm beiseina chu a ni. Rinnaa Isua kan vawn tlat reng a, kan sualte kan sim zêl a, thuâwih taka awm bawk chuan beisei tûr chhân kan nei t̄ha êm êm a ni.

Thil dang zawng âia i beisei nasat zâwk thil chu eng nge ni? Chu i thil beisei chu engtin nge Isuaah tihfamkim a nih theih ang? A theih loh a nih chuan, beisei loh tûr i lo beisei vak a ni thei zâwk ang em? _____

THAWHTANNĪ

NOVEMBER 6

Rinna avânga thiamchantîr

Rome 5:6–8 chhiar la. Engtin nge hêng Bible chângte hian Pathian nungchang chu min hrilh a, eng vângin nge kan tâna beisei tûr thu hlîrin a khah bawk? _____

Evi leh Adama-ten zahpui awm tak leh ngaihnhathiam theih miah loh tûr khawpa pawî Pathian thu an bawhchhiat khân Pathian chuan amah nêna an inrem leh theihna tûra rahbi hmasa ber chu a rawn zawh nghâl a. Chumi achin chu, chhandamna kawngah hian hmâ la hmasatu rawn ni chho zêlin, chu a hmalâknate chu pawm tûrin mihringte hi a sâwm reng thîn bawk. “Nimahsela a hun bi a lo kim khân. . . Pathianin a Fapa . . . a tûr chhuak ta a” (*Gal. 4:4*).

Rome 5:9-ah hian Paula chuan Isua Krista zârah Pathian thinurna lak ata chhandam theih kan nih thu a sawi a. Eng nge a sawi tum ni ang? _____

Aigupta ram an chhuahsan dâwn zânah khân Israel mi chhûng tinte chuan an in kawngka lu chungah thisen an tât t̄heuh a, kha khân Aigupta mîte fatîr tihlumtu Pathian thinurna lak ata an fatîrte a humhim bîk a. Chutiang bawkin Isua Krista khân thiamchantîr ni

tawh leh chumia awm rengte chu Pathian thinurna hnuhnung berin khawvêl tâwpa سوالنا a tihboral hunah a humhim ve leh dâwn a ni.

Mi ðenkhat chuan hmangaih Pathianina thinurna rilru a pu vê tûr chu an pawm hlei thei tlat lo. Mahse a hmangaihna avâng tak chuan he thinurna pawh hi lo piang vê a ni sí a. Engtin nge khawvêl hmangaih êm êmtu Pathian chu سوال لاکه a thinur loh theih ang ni? Min ngaihsak hlê lo se chuan he khawvêla thil thleng pawh hi a ngaihven miah lo vang. Khawvêl hi han thlîr vêl la, سوالين Pathian thil siam a tihchhiat nasatzia i hmu ngei ang. Hetiang thil ða lo leh chhiatna chi hrang hrang lakah hian engtin nge Pathian chu a thinur loh theih rêng ang ni?

Lâwmna tûr chhan dang kan neihte chu eng nge ni? Rome 5:10, 11. _____

Bible zir mi ðenkhat chuan Rome 5:10 hian he leia a awm lâia Isua Krista nun, tûna kan nuna min belsak a duh êm êm nungchang ða famkim kha a sawi niin an ngai a. Chutiang chu Krista nun ða famkimin a thlentîr tûr a nih tho rualin, Paulan a sawi uar duh ber chu Krista chu thi tawh mah se a tholeh tawh a, chatuan atân a nung leh ta tih hi ni zâwkin a lang (*Heb. 7:25 en la*). A nun avângin keini pawh chhandam kan ni ta a. Thlânah khan la awm reng ni ta se chuan kan beiseina pawh amâ rualin a boral ve ngâl ang. Rome 5:11-ah hian LALPAA kan lâwmna chhan tûrte chu a sawi chhunzawm leh a, a chhan pawh kan tâna Isuan a lo hlen chhuah tawh vâng a ni.

THAWHLEHNÍ
Sual avânga thihna

NOVEMBER 7

Thihna hi mihringte hmêlma lian ber a ni a. Pathianin mihringte a siam khân kumkhuaa nung reng tûrin a siam a. Mihringte hian thih kan duh lo tlâng ðeuh âwm e; a duh chhunte pawhin a duh chhan chu lungngaihna leh hrehawm nasa tak an tawrh vâng chauh a ni

thîn. Thihna hian kan nihphung bulpui a kalh tlat a. Chuvâng tak chuan a tîr aţang rêng pawh khân kumkhuaa nung reng tûra siam kan ni a. Thihna hi chu kan hmêlhriat miah loh tûr thil a ni.

Rome 5:12 chhiar la. Hetah hian eng chungchâng nge Paulan a sawi? Hei hian eng thil nge a sawifiah? _____

He lai thu hi Bible zir mîte pawhin an chai nasat ber pakhat a ni âwm e. A chhan ni thei chu, *The SDA Bible Commentary*, vol. 6, p. 529-a kan hmuh angin, hêng Bible zir mîte hian “he châng hi Paula sawi tum ni lovin, anmahni’n nia an hriat angin hrihlfiah an tum thîn vâng a ni.”

An thu khel ber pakhat chu: ‘*Engtiang kawngin nge Adama sualna kha a thlah lo awm leh zêlte hnênah hlan chhâwn a nih?*’ tih hi a ni a. Adama thlahte hian Adama sual mawh kha an phur vê em, nge ni a, Pathian hmâah chuan anmahni thil sual tih mawh chauh an phur zâwk? Mî thenkhat chuan he zâwhna chhâna hi he Bible chângah hian hmuh an tum thîn a; mahse chumi chu Paulan a sawi hi a ni sî lo. A rilru-a awm zâwk chu thil dang daih a ni a. A hma pawha a lo sawi tawh, “mî zawng zawngin thil an tisual tawh vek a” (*Rome 3:23*) tih kha uar takin a rawn sawi nawn leh mai zâwk a ni. Mî sual mai kan ni tih kan inhriat a ngâi a, chu chu Chhandamtu kan mamawhzia kan hriat theihna kawng awm chhun a ni baw. Paula hian a lehkhathawn lo chhiartûte chu sual sualzia leh sualin Adama hmanga khawvêla thil tha lo a thlente hriattîr a tum a. Tichuan Isua zâra Pathianin min pêk a tum chu: Adama sualna avângah khawvêla lungngaihna lo thleng ta tihrehna awm chhun a ni tih hriattîr a ni.

Mahse he lai châng hian a buai lâi chauh, “Adama-a kan thihna” chu a sawi a; a chin felna, “Isuaa kan nunna” chungchâng erawh a sawi ve lo. Chanchin tha ropui êm êmna chhan pakhat chu thihna hi nunnaa lem zawh tawh a nihna kha a ni. Thlân kawngkhârte chu Isuan a pal tlang vek tawh a, a hrui pawh a tichat vek tawh baw. “Mî Nunga chu ka ni, ka lo thî a; nimahsela ngâi teh, kumkhua atân ka lo nung leh ta a ni. Thihna leh Mitthi Khaw

chabî-te chu ka nei bawk a” (*Thup. 1:18*). Chabî kawltu chu Isua a nih tlat avângin hmêlmapa pawhin a kut tuartute chu thlânah a khung reng thei ta lo va ni.

Tihna hi a taka thleng ngei, thil lungchhiatthlâk tak ni bawk a ni tih hi engtiang taka fiahin nge i lo hriat ve tâk? Chutiang taka râwng hmêlmâ kan hmachhawn a nih chuan eng vângin nge keimahni âia ropui zâwk leh, he khawvêlin a pêk theih thil zawng zawngte âi pawha ropui zâwk thil eng emaw-ah beiseina kan neih ngei a tûl? _____

NILÂINÍ

NOVEMBER 8

Adama ațanga Mosia

Rome 5:13, 14 chhiar la. Hetah hian dân chungchâng eng nge min zirtîr? _____

Hetah hian eng chungchâng nge Paulan a sawi kan hria em? “Dân awm hmâin” tih thu hi “Adama ațanga Mosia” tih thu nên awmze thuhmun a ni a. Hei hian khawvêl leh a chhûnga thil awmte siam a nih ațanga Sinai Tlânga dân pêk an nih inkâr hun kha a huam a, chutih lai hunah chuan Israel mîte pawhin an hnam, sâkhua leh, khawtlâng nun inkaihruaina tûrin dân mûmal an la nei lo va, Thu Sâwm Pêk ngei pawh hi an la nei bîk lo.

“Dân awm hmâin” tih awmzia chu Sinai Tlânga Israel-te awm lâia Pathianin dân chi hrang hrang hmanga a thil phûtte chipchiar deuh taka a hriattîr hmâ tihna a ni a. Sinai Tlânga dân an dawn hmâ pawh khân sual chu a awm tawh tho. Engah nge a awm loh ang? Dâwt sawi te, tualthah te, uirê te leh, milem biak te hi Israel mîten Sinai Tlâng an thlen hmâ daih pawh khân sual a lo ni sa reng tawh lo vem ni? Ni teh rêng e!

Sinai Tlânga Israel mîten Thu Sâwm Pêk an dawn hmâ kha chuan mihringte hian Pathian inpuanna tlêm azâwng chauh an dawng a; mahse an thil tiha mawh an phurh theihna tûr khawp chu an hre tho a ni an tih hi a dik a. Pathian chu dik taka thil ti thîn a nih

avângin dik lo takin mi tû mah a hrem ngawt dân lo. Thihna chuan mi zawnzawng a fan tawh avângin, Paulan a sawi ang hian, Thu Sâwm Pêk hre vê hman lote pawh kha an thi vek tawh a. Thu Sâwm Pêka târlan dânte hi an bawhchhe kher lo a ni maithei e; chuti chung chuan thil sual chu an ti tho sî. Leilunga Pathian inpuanna hi an hmu vek a, chumi chu an zawm loh avângin thil sual ti anga ngaih an ni. “A thil hmuh theih loh (a chatuan thiltihtheihna leh a Pathianzia chu) khawvêl siam tih ata fiah taka hmuhin a awm a, thil siamah chuan a lang a ni; chuvâng chuan chhuanlam tû an nei lo” (*Rome 1:20*).

Eng atangin nge Pathian hi a “dânah” hian chiang zâwkin a inpuan? *Rome 5:20, 21.* _____

Israel mîten Sinai Tlâng an thlen hmâ pawh khân thatna dân hi chu awm tawh sa reng ni tho mah se, dân hrang hrang a pête zîngah khân a rawn telh ve leh ta tho va. Hei hi, Bible-a kan hmuh dânin, he dân ziaka dah leh ualau taka puan chhuah a nihna hmasa ber a ni.

Israel mîte khân Pathian thil phûtte an hriatin anmahni an inen a, an tlin dân lo hlê tih an hre nghâl mai a. Tawngkam danga sawi chuan, an bawhchhe sa hrim hrim kan ti thei ang. An bawhchhiatnaten nghawng a lo neih thuizia an hre ta nghâl a. Chutianga an sualna hriattîr an nih chhan chu Chhandamtu an mamawhzia an lo hmuh a, Pathianin a thlawn veka pêt a tum khawngaihna chu pawm mai nachâng an lo hriat theih nân a ni. Hetiang hian, a hma lamah pawh kan sawi tawh angin, Thuthlung Hlui sâkhaw dik tak chu dân zawm avânga felna hlauh chhuah tumna a ni lo tih a lang chiang hlê.

I awmna ram dânte khân engtiangin nge mihringten thil dik leh thil dik lo nia kan hriat a pho lan le? Chutiang chu mihringte dân siam pawhin a ti thei a nih chuan, Pathian chatuan dân pheih chuan a ti thei êm êm lo vang em ni? _____

Isua, Adama Pahnihna chu

“Chutichuan, sual pakhat avângin thiam loh chantîrna rorêlna chu mi zawng zawng chungah a lo awm a; chutiang bawkin thil fel pakhat tih avângin nunna hmuh nân thiamchantîrna thilthlâwnpêk chu mi zawng zawng chungah a lo awm ta bawk. Mi pakhat tihmawh avâng khân mi tam tak chu mi sual an lo ni ta a; chutiang bawkin mi pakhat tihâwih avâng khân mi tam tak chu mi fel an lo ni ang” (Rome 5:18, 19). Thil inkâwlkalh tak pahnih a sawite chu eng nge ni? Kristaa pêk min tiam beiseina chu eng nge ni?

Mihringte hian Adama hnên ațang khân thihna lo chu thil dang eng mah rochun kan nei lo va. Nimahsela Krista chu lo chêin, Adama lo tlûk tawhna hmun chu a kal kân a, mihringte âiawhin fiahna tinrêng a lo tuar chhuak tawh a ni. Adama hlawhchhamna leh tlûkna zahpuiawm tak chu a tlan tawh a; tichuan, kan Âiawh a nihna angin Pathian nêin inremin min siam leh ta a. Chutiang chu a nih avângin, Isua hi “Adama Pahnihna” tia sawi a ni.

“Adama pahnihna chu thil dik leh dik lo thliar hran kawnga mi entawntlâk, a nun dâna mawhpurhna la ngam khawpa mi thâ a ni. Sual lama amah hruai lût thei mai tûr huhâng țha lo tak takin a hual vêl reng thîn avângin Adama hmasa zâwk âi khân thianghlim taka nun theihna tûr kawngah a dinhmun a duhawm loh zâwk daih a. Mi sualte zînga chêng vê ni tho mah se, thlêmna tinrêngte chu a do hneh thei a, sualna pakhat mah nei lovin a nun a hmang tluan zak bawk.”—Ellen G. White Comments, *The SDA Bible Commentary*, vol. 6, p. 1074.

Adama thiltih leh Krista thiltih inan loh dân Rome 5:15–19 kan hmuh chu eng nge ni? _____

Thil inkâwlhkalh tak tak a sawite hi lo thlîr mah teh: thihna–nunna; thuâwih lohna–thuâwihna; thiam loh chantîrna–

thiamchantîrna; sualna–felna. Isua chu he leiah hian lo kalin, Adama tihsual zawng zawngte kha a rawn siam tha vek tawh a ni.

Thil ngaihnaawm deuh mai chu, Rome 5:15–17-ah hian thilthlâwnpêk tih thumal hi vawi *ngâ* ngawt a lang a. Hetiang zât zât a lan chhan chu eng dang ni lovin, Paula hian thiamchantîrna chu a hlawha hlawh chhuah ni lovin, thilthlâwnpêk angin a lo thleng zâwk a ni tih uar taka sawi a duh vâng a ni. Keimahni’n kan tih that vâng emaw, kan phû rêng vâng emawa chang kan ni lo va. Thilthlâwnpêk chu kan lo dawng mai ðhîn ang hian, thiamchantîrna pawh hi rinnain kan ta a lo ni ta a ni.

Thilthlâwnpêk i dawn tawhte zîngah eng nge tha ber? Chu thilthlâwnpêk chu eng vâng a tha viau nge a nih? A hlawha i hlawh chhuah ni lovin, a thlâwna i dawn a nihna chuan engtiang takin nge a ngaihhlut zualtîr che sawi la. Chu thilthlâwnpêk leh Isuaa kan dawn thilthlâwnpêk hi engtin nge i khaikhin ang? _____

ZIRTÂWPNĪ

NOVEMBER 10

Zir belhna: Ellen G. White-i lehkhabu, *Tihdam Rawngbâwlna*, phêk 453-a, “Nĭ Tin Nuna Ṭanpuina” tih te; *Thlahtubulte leh Zâwlneite*, phêk 30–41-a, “Thlêmna leh Tlûkna” tih te chhiar la.

“Mi tam tak chu an thinlunga thil awmte chungchângah bum an ni a. An ngaihtuahna chu thil dang zawng zawng âia bum hmang leh chhe lai let dêr a ni tih rêng an hre lo. Anmahni felnain an inthuum a, mihring tehna hmanga an thlen chinah chuan an lungâwi ve êm êm ringawt mai a ni.”—Ellen G. White, *Selected Messages*, book 1, p. 320.

“Krista chu kan beisei awm chhun leh kan chhandamna a ni tih hril hi a ðul tak zet zet a. Rinna avâng a thiamchantîr kan nih thu kan sawi hunah chuan . . . , chhâwlhâl takten duh thawh taka tui an khiat khawlh khawlh ang hian lawm a hlawh ang. Krista felna chu keimahnin thil tha kan tih vâng ni lovin, Pathian thilthlâwnpêk avâng chauh zâwka bel kan nih thu hi thil hlu tak niin an hre dâwn a ni.”—Phêk 360.

“*Adama chu lo kal tûra nêh tehkhin a ni (5:14)*. Engtiang chiahin nge Adama kha Krista lo entîr lâwktu a nih le? Adama kha a thlahte hnêna (thei rah ei phal loh kha an ei vê miah lo nachungin) thihna thlentu a lo ni ta angin, Krista chu amaha awmte hnêna (anmahni chuan eng felna mah hlawh chhuak lo mah sela) felna Petu a ni vê leh chiah bawk a, Kraws zârah mi zawng zawng tân *felna* a lo tinghet tawh a ni. Adama bawhchhiatna chu keimahniah hian a bet ve tlat tawh a, a thil sual tih kha kan tih ni âwm fahranin a nghawng thihna pawh kan tuar vê ta vek bawk. Chutih rual chuan Krista felna chu keimahniah hian a awm tho bawk a, ama’n felna zawng zawng a hlen chhuah vek tawhte kha ringin kan lo nung ve ta a nih bawk hi.”—Martin Luther, *Commentary on Romans*, pp. 96, 97.

Sawi ho tûrte:

- ① He thu, Ellen G. White-in a lo sawi hi eng nge ni a awmzia le? “Pathian thû hi ngunthlûk lehzuala kan zir a tûl a; a bîk takin Daniela leh Thupuan bûte phei hi chu tûn hmâ zawng âi khân kan ngaihven lehzual tûr a ni. Thu thenkhat hi chu sawi zui tûr vak kan nei lo pawh a ni maithei a; mahse zâwlneite leh tirhkohten Pathian Thlarau Thianghlim thâwk khumna hnuai a ziahte hi chu kan ngaihsak hlê tûr a ni.”—Ellen G. White, *Evangelism*, p. 577.
- ② Thihna hi a taka kan tawn mêk leh la tawn chhoh zêl tûr a ni a, kan nun a titâwp ni mai lovin, nun awmzia pawh a tidanglam vek bawk tih hi ngaihtuah la. Thawnthu ziak mîte leh mi fingte chuan nun hian awmzia nei tak tak lo va, chatuan atâna thih hlen vang vangna-in a tâwp zêl nia ngâiin an tap vawng vawng mai a ni. Keini Kristiante hian engtin nge kan chhân lêt ang? Eng vângin nge Isuaa beiseina kan neih hi chutianga awmze nei lo a nihna kan chhân lêt dân tûr awm chhun chu a nih?
- ③ Adama tlûkna khân kan zavâia chungah tlu tawh nihna min rochun ang chiah hian Isua hnehna pawhin rinnaa pawmtu zawng zawngte hnênah chuan chatuana nunna

thutiam min pe vek tho va. Chû thutiam ropui tak mai neitu chu kan ni chung hian a taka kan chan theih lohna tûra min pawt bet tlattu eng thilte nge awm? Kristan min pêk a tumte leh kan tâna thil a lo tih tawhte hi miin an lo hriatthiam ve theih nân engtin nge kan ãnpui ang?

INSIDE STORY

**MAFIA PÂWL AṬANGIN PATHIAN THUCHAH
PUANGTU-AH, Then 2**

KÂR TIN hian Igor-a chuan a inkhâwmnaah silai rawn paiin, a malchungah a dah mai ãhîn a. Sabbath ni khat chu kohhran member pakhat hian biak ina silai rawn pâi tawh lo tûrin a hrilh a. “Silai ni lo vin, Pathian zâwk chu rinchhan rawh,” tiin a fuih a.

Kâr lehah chuan Igor-a chuan a silai chu inah a hnutchhiah ta thung a, mahse a rilru a ngaihmuang lo tlat a, silai tel lo va lên vêl chu harsâ a ti hlê a ni. Ina a hâwn hnû chuan thil dum eng emaw ni hian zui ru tlatin a inhria a. Intipachangin, Igor-a chuan a thil hlauh chu a fiah ta a, pa pakhat alu bag pû lek hi zu lo ni a!

A rinna a lo chak deuh deuh tâkah chuan, Igor-a chuan a thutak hriat thar chu mi dangte hnênah a hrilh chhâwng a. A nupui leh fanû pawhin Adventist biak inah an inkhâwmpui a, kum khat hnûah anni pawh chuan baptisma an chang vê ta a ni. A chhûngte dang, a rinna thû a hrilh te pawhin an rawn inkhâwmpui vê ta zêl bawk a.

Ni khat chu, Igor-a chuan Bible aṭanga a hmuh thutak hi a thianpâ hnênah a hrilh a, mahse ani chuan a lo tuipui lêm lo. Chutih laia an thusawi hre phâka lo awm mi pakhat dang chuan chik takin a lo ngaithlâ a, hriat belh zêl a chhâk ta viau mai zâwk a.

Chutianga lo ngaithla vêtû Vasily-a chu, khawsak harsa vê tak an ni a. Chutiang avâng chuan mi sual ruâl zîngahte a tel vê a, kut pawh a tawrh phah nasa hlê. A lû leh biang vêl chu misual pâwl dangten kut an thlâkna avângin a ser deu do mai a. Silaia kah hliamnate pawh tuârin, hliam a lo tuâr nasa hlê a ni.

Vasily-a sumdâwng lian pâwl zîngah a tel a. A thawhna pâwlte chuan Russia pawisa (rouble) maktaduaih têlin sum an chalai a. Amah vêngtûte pawh zirtîrna pên, Vasily-a chuan an company hotûte chu thurûk hmangin a be ãhîn a. Pindan danga awmte thusawi

ngaihthlâk rûkna hmanraw man to takte pawh a nei bawk a. Hê company tihchhiat duhtûte chuan Vasily-a chu contract lian siampui tûra mi pawimawh a ni tih an hria a, chutiang an tihna tûr dâltu a ni tih an hriat avângin tihhlum pawh ÷um hnih lai an tum rêng a ni.

Chutianga an buih ÷um khatna chu a fanû nêna eitûr lei tûra pâwn lam dâwrpuia an kal laiin a lo thleng a. An hliam na hlê chungin, a dam chhuak leh hlauh a.

An beih ÷um hnihnaah chuan, Vasily-a chu vawi eng emaw zât an kâp a, mahse a tho va, a pindanah a lût leh thei hlauh mai a ni. Pindana a lût chu châu takin chhuâtah a let nghâl hnawk a. Thi tawh mai dâwna inhriain, a nû hnênah a sual thupâte a châwi a, mahse a nû chuan a dam chhuak leh dâwn a ni tiin a thlamuân a.

Beiseina thar neiin, Vasily-a chuan intipachangin pulis a ko va. Ani chu rang takin damdâwi inah an hruai a, eng emaw chen enkawl a nih hnûin, a ÷a chhuak leh ta a ni.

Ni khat chu, Vaily-a chuan Baptist mî hmûin, chû mî chuan a hnênah, “Hetiang thil i chung a titû hi thah i duh em?” tiin a zâwt a.

Vasily-a chuan, “Tehrêng mai!” tiin a chhâng a.

Baptist pa chuan, “Chutiang chu ti suh. Anni chu ngaidam la. I thah chuan, rilru nuâm takin i nung thei ngai lo vang. Ngaidam hmiah mai rawh,” a ti a.

Chhonzawm zêl tûr